


Muaj Ntau Yaam Kuab Lom Ua Tau Tsua Tuab Neeg Mob, Qaug, Hab Tuag Taug Xws le; Tej Tshuaj Noj, Tej Ntsoj Tsuag, Tej Kaab, Tej Tshuaj Ntxuav Vaaj Tse, Tej Tshuaj Ntxhua Khuab Dluag, Tej Thsuaj Tua Kaab, Tej Tshuaj Tu Ntsej Muag Hab Muaj Ntau Ntau Yaam Ntxiv.



Cov kuab lom nuav tshwm sim le caag?

Tej kuab tshuaj lom nuav tshwm sim lug ntawm txhua txhua yaam kws thaum koj los sis koj tug miv nyuas ua paa nqug tau, kov tau los yog noj tau es ua tsua lub cev puag tsuaj. Yog xaav paub txug tej kuab lom nuav kuas ntxawg hab meej nua ces hu tsua peb tau txhua lub caij vim peb txhaj paub ntxawg txug tej kuab lom nua.

Peb paab dlawb xwb

Koj tsis tau them nqe dlaab tsi le hab koj hu tau tsua peb txhua zag kws koj muaj lug nug los yog muaj teeb meem.

Hu tsua 1-800-222-1222 yuav tau txais kev paab sai heev

Thaum koj hu tsua peb, koj yuav nov has ib co lug ntev le 17 second tab sis xob muab foos khwb. Tom qaab cov lug xaus ces koj has tsua tas **“lug Moob”**. Peb muaj Moob ua hauj lwmm txhais lug txhua lub sij hawm. Yog koj hu, koj yeej tsi tog ntev le. Tom qaab ntawd peb yuav hu tsov tuaj noog seb koj nyob le caag lawm vim peb txhawj xeeb txug koj.

Hu tug xuv tooj
1-800-222-1222
paab koj hab koj tsev neeg

1 Xob laam kwv yees xwb. Yuav tau saib qhov tseeb.

Saib kuas meej seb yaam tug tuab neeg ntawd muab noj, muab kov, los yog muab na puas yog yaam noj tuag, qaug, hab muaj taug. Yog tas muab tseeb hu tsua peb taam si.

2 Yog ua le caag?

Koj qha tsua peb tug tuab neeg teb xuv tooj kuas zoo zoo, piv txwv le (“Kuv tug miv nyuas muaj nub nyoog 2 xyoos muab kuv lub kab paus qheb hab noj tau ib qho tshuaj lawm!”)

3 Ua puas yog tshuaj noj, ntsoj tsuag, kaab los yog tej tshuaj ntxuav vaaj tse?

Yog tas nwg yog tej tshuaj txhiam vaaj tse, xab npus los sis tshuaj noj nua ces yuav tsum muaj yaam khoom ntawd ntsug ntsaim koj thaum lub sij hawm koj hu tsua peb. Yog ntsoj tsuag, naab los yog kaab laug saab tej nua ces qha tsua peb zoo zoo seb nwg tug yaam ntxwv zoo le caag.

4 Ua tug tuab neeg zoo le caag lawm?

Peb xaav paub tas tug tuab neeg ntawd zoo le caag lawm. Piv txwv le (“Taam si ntawd nwg quaj heev le, lub sij hawm nuav saib zoo le nwg kuj tsi ua le caag lawm.”)

5 Peb yuav paab koj.

Feem ntau peb muaj cuab kaav paab dlaws tau tej teeb meem nuav lug ntawm hu tuab tsaab xuv tooj tsua peb xwb. Yog peb pum tas qhov teeb meem nuav yuav tsum tau moog ntsib kws khu mob tsua tom tsev khu mob ceev (emergency), peb yuav hu moog tsua puab ua ntej tas koj moog ntsib puab lawm sub thaum koj moog txug koj txhaj tsis tau tog ntev.

Hauv Qaab Nuav Yog Ib Co Kev Paab Ua Ntej Thaum Tsau Kuab Tshuaj Lom Los Sis Thaum Hu Tsis Tau Tau Peb.

Yog tshuaj lom ntub/lu tawv nqaj lawm

Yuav tsum muab yaug ntawm kaig dlej kuas ntev le 10 feeb hab muab xab npus lug ntxuav ntxiv tes tsov muab dlej yaug dlua kuas huv.

Yog tshuaj lom nkaag qhov muag lawm

Yuav tsum muab dlej yaug taag le kuas ntev le 15 feeb. Tsi xob muab mos mos los sis xob muab dlaim tawv qhov muag ntxi.

Yog nqug tau cov paa hab cov ntxhab kuab lom lawm

Yuav tsum moog nyob tsua tej qhov chaw tsau cua. Xob pub nqug tau cov ntxhab hab cov paa ntawd ntxiv lawm. Qheb qhov tsais hab qhov tsooj kuas dlaav tsua cua hliv.

Yog yuam kev noj los nqog tau kuab lom lawm

Tsis xob tshaum qaa kuas ntuav. Tsi xob noj los sis haus dlaab tsi kuas txug thaum hu tau peb es peb qha tsua.

Hu **1-800-222-1222**.

Nkaag moog saib peb qhov vib thob (website) ntawm **www.calpoison.org**